



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Broj:10-33- 25816-15 /24  
Sarajevo, 21.05.2024.godine

**SKUPŠTINA KANTONA SARAJEVO**  
Služba za Skupštinske poslove

**PREDMET: Odgovor na zastupničku inicijativu-dostavlja se**

Zastupnica Marijela Hašimbegović je na 15. radnoj sjednici, u okviru tačke Dnevnog reda „Poslanička/zastupnička pitanja, inicijative i odgovori“ uputila sljedeću inicijativu:

„Predlaže se popunjavanje nepopunjenih sistematizovanih radnih mjesta tamo gdje je to neophodno, u skladu sa propisima i osiguranim budžetom za ovu namjenu, uz saglasnost Vlade Kantona Sarajevo u okviru utvrđene politike za predmetnu oblast radi popunjavanja upražnjenih radnih mjesta i zapošljavanja neophodnih kadrova u JUAS kao što su zdravstveni radnici specijalista magistar farmacije, magistar farmacije i farmaceutske tehnike, i administrativno- tehničko osoblje spremačica, blagajnica, radnici u odjeljenju logistike, radnici vezani za poslove javnih nabavki, vozači, call centar.“

U vezi sa dostavljenom inicijativom, Ministarstvo zdravstva Kantona Sarajevo dostavlja sljedeći

**ODGOVOR**

Ministarstvo zdravstva Kantona Sarajevo podržava inicijativu za zapošljavanje kako zdravstvenog tako i nezdravstvenog neophodnog kadra u svim Javnim zdravstvenim ustanovama sa područja Kantona Sarajevo pa i u Javnoj ustanovi „Apotheke Sarajevo“.

Međutim, JU „Apotheke Sarajevo“ je samofinansirajuća ustanova za razliku od svih ostalih javnih ustanova, te je u obavezi da za plaće, doprinose, otpremnine, materijalne troškove i sva druga prava uposlenika osigura i sredstva za isplatu istih. Nažalost, ni Budžet Kantona Sarajevo ni Zavod zdravstvenog osiguranja Kantona Sarajevo ne finansiraju niti jedan trošak koji ova ustanova ima.

Finansiranje ove ustanove se od strane Zavoda zdravstvenog osiguranja Kantona Sarajevo vrši isključivo iz naknade za izdate recepte, naknadu za ampularne lijekove, te dežurstva.

U Programu rada i finansijskom plnu za 2024.godinu, u cilju prevazilaženja problema nedostatka kadra JU „Apotheke Sarajevo“, u cilju postavljenih planova realizacije i adekvatne kadrovske politike, prema stepenu prioriteta, u 2024.godini planira se upošljavanje 33 magistra farmacije, 22 farmaceutske tehničara.

Ovo navodimo iz razloga što u trenutnim okolnostima kada JU Apotheke Sarajevo radi u okruženju sa 138 apoteka privatnog sektora, i kada je poznata činjenica da je JU Apotheke Sarajevo samofinansirajuća ustanova, i jedina isplaćuje plaće po Kolektivnom ugovoru potrebno je razmišljati

o mogućnostima obezbjeđenja dodatnih sredstava za finansiranje optimalnog ili maksimalnog broja uposlenih.

Stoga, ukoliko se osiguraju dodatna sredstva za prijem novog potrebnog kadra od strane Budžeta Kantona Sarajevo ili Zavoda zdravstvenog osiguranja Kantona Sarajevo, Ministarstvo zdravstva će tražiti i podržati upošljavanje istih.

S poštovanjem,

**MINISTAR**  
**Mr.med.sci/dr. Enis Hasemović**

